

港東港西

毛姨姨一舊雲貼錯門神

收聲！你講嘅嘢
唔代表我哋「民主
派會議」，我先係
代表！設計對白



民主黨黃碧雲（一舊雲）同咁咁退出公民黨嘅毛孟靜（毛姨姨），同樣係九龍西競逐立法會議席，彼此早有牙齒印，兩人尋日又喺「民主派會議」嘅記招上爆出火花，真係花生味甚濃。兩個女人為乜又唔咗Channel？咪係為咗青年新政囉。事緣有記者問佢哋，點解上次「青政」梁頌恆、游蕙禎被司法覆核唔搞大型集會，而家有另外四個人被挑戰就搞呢？一向唔多like游蕙禎嘅一舊雲，梗係要即刻畫清界線啦。但話梁、游同個四位議員唔同，兩人係未成功宣誓，又宣揚「港獨」、辱華同講粗口添。點知一舊雲一講完，之前曾經貼身護送游蕙禎闖入議會嘅毛姨



姨，就即刻插嘴話，「黃碧雲嘅說話唔係代表我哋『民主派會議』」，又話所有司法覆核案嘅性質都一樣，就係當局要改變選舉結果。一舊雲就無再同毛姨姨拗，但佢面色係點，你懂的！其實，對住梁游負

資產，反對派而家避都避唔切，標榜「本土」立場嘅毛姨姨仲要係咁攞住，唔知佢又係咪代表到「民主派會議」所有人呢？

▲開記招都咁有火花，唔知到真係開會嗰時會唔會更有火藥味呢？
大公報記者林良堅攝

梁游兩人係未成功宣誓，又宣揚「港獨」、辱華同講粗口添
真實對白



工展會開鑼 Jimmy派飛派唔停

一年一度嘅工展會將於今個星期六開幕，至出年1月2日結束。行政長官梁振英同中聯辦主任張曉明都會出席開幕儀式。身為廠商會立法會代表的工業界（二）立法會議員吳永嘉（Jimmy）尋日就喺立法會向傳媒派入場券，落力宣傳。Jimmy話，自己今年已經派咗一千張飛，加上做咗立法會議員，多咗人搵佢擺飛，預計今年會派二千張添。身兼廠商會副會長嘅Jimmy話，自己往

年都會入場購物，試過買麵、新款電器同西班牙火腿，大讚價廉物美，有一年仲試過用咗幾萬蚊掃貨，認真捧場。

講到今年工展會，Jimmy話，廠商會今年亦一如既往，舉辦「工展顯關懷」活動，邀請一批基層家庭參加工展會。工展會會場仲會喺除夕夜舉行倒數活動，招待幾千位老人家入場一齊迎接2017年之餘，亦作為廠商會慶祝香港回歸20周年嘅頭炮活動添。

▲Jimmy當選立法會議員後，預計今年要加碼派二千張工展會飛
大公報記者蔡文豪攝

郭偉強慘被阿仔惹病

早排轉天氣，鄭晴見街上都有唔少人中招病咗。聽工聯會郭偉強講，佢嘅BB仔之前都病咗，搞到擔心咗足足一個月之後，BB終於好返喇，阿強都放心晒啦。

鄭晴都好奇阿強點樣照顧BB，阿強就話，帶BB去睇醫生都係派啲藥，要好返始終都係靠BB自己嘅抵抗力。咁強BB抵抗力點樣先「強上加強」呢？原來就係

靠媽媽嘅粥仔加入南瓜同菜碎嘅營養愛心餐喇。營養高，味道好，愛心足，唔怪得BB仔好得咁快啦。阿強仲話，BB而家相當精靈、生猛，同爸爸媽媽一齊食飯個陣仲成日搶佢哋食嘅嘢，開始扮大人嘅。

不過，阿強話，BB病咗之後，佢同太太都跟住被惹病埋，自己都未好返晒啊。但話好多屋企有小朋友嘅家庭都係咁。



▲強B早前病咗，仲惹病埋個網上圖片
強兩公婆

西瓜琦認衰：我驚死

尋日《明報》有個關於「本民前」梁天琦（西瓜琦）嘅專訪，一向強調「無底線抗爭」嘅佢終於認衰，話做事要有底線，自己就好難喺前線衝，「我現在要顧忌被即時還押嘅風險……我想這是我底線。」又話「我其實係一個驚死嘅人」。不過呢，佢前日喺網台就話，從政唔會將真實一面擺嚟講，而係應該好似死敵楊岳橋咁，講啲好靚對白，心入面嘅感想、陰暗面就唔好講。嘩，葡萄到呢，鄭晴隔住個mon都聞到陣酸味。

西瓜琦又話，今次宣誓風波單嘢衰咗，證明現實同理論有落差，原本以為多人會同情，點知落井下石比較多。佢仲夠膽話而家米路被人斷咗，要大家課金支持。嘩，西瓜琦出事之後就去外國潛水，而家仲要攤晒手掌叫人畀課金，支持佢去潛水。鄭晴只可以講一句：「面皮厚過恐龍皮」囉。

立會補選期未定 或需半年

【大公報訊】記者馮瀚林報道：立法會秘書處已刊憲，指青年新政游蕙禎、梁頌恆原先所持的議席空缺。被問到何時啟動補選，選管會主席馮驊昨日表示，根據《立法會條例》第三十六條，當憲報公布了立法會有議席空缺，選管會有責任安排補選，而法例寫明選管會在切實可行的範圍內盡快補選，但沒有一個固定期限。現時選管會正籌劃補選，補選日子將會適時公布。

至於補選會否與特首選舉時間相近，馮驊表示，一定要考慮實際情況，包括人手資源、如何運用公帑、是否找到足夠場地用作票站。經過全盤計劃後，就會適時公布補選日期。他又表示，以往籌備補選需時四至六個月，但基於人手及場地考慮，籌備時間可長可短。對於會否等候其他司法覆核案結果後一併舉行補選，他強調，不評論法庭正在處理的案件，但一定會考慮一切情況下舉行補選。

法官加薪4%至6% 馬道立：助招聘

【大公報訊】司法人員薪俸及服務條件常務委員會通過一系列法官及司法人員服務條件改善建議，包括提供宿舍津貼和醫療保險津貼；建議獲行政長官會同行政會議批准，明年4月1日生效。終審法院首席法官馬道立歡迎有關決定，希望有助法官招聘工作。

司法人員薪常會認為，改善法官及司法人員服務條件的建議理據充分，要招聘並挽留最優秀人才，薪酬待遇須具合理吸引力。

高等法院及以上級別法院合資格法官，可享有非實報實銷的司法機構宿舍津貼，每月金額161,140元，替代司法機構法官宿舍。

至於醫療保險津貼，法官及司法人員每年可領取19,300元至53,690元不等。政府亦上調司法人員可領取的本地教育津貼，提供服飾津貼，並改善他們休假期外遊的交通服務。

此外，行政長官會同行政會議批准法官及司法人員薪酬調整，包括2016至17年

度薪酬按年上調4.85%，生效期追溯至今年4月1日。

因應2015年香港法律執業者收入基準研究，高等法院原訟法庭以下級別法官及司法人員薪金會上調4%，高等法院原訟法庭及以上級別的法官的新金則上調6%，生效期追溯至今年9月1日。政府會向立法會財務委員會申請撥款，並請財委會備悉服務條件的改善，相關預算開支將納入2017至18年度的財政預算，讓立法會在審議《2017年撥款條例草案》時一併批核。

譚志源：改變宣誓要求應通盤考慮

【大公報訊】記者朱晉科報道：政制及內地事務局局長譚志源昨日表示，香港回歸初期立法會議員宣誓是由行政長官監督，其後改由立法會秘書監督，而選出立法會主席後就由主席監督。他又指，若要改變現行法律對立法會宣誓的要求和安排，應先作通盤考慮，包括修例會否令落實相關安排的工作更清晰妥當。

議員關注候選人鼓吹「港獨」

新民黨常務副主席田北辰昨日在立法會就人大釋法提出口頭質詢，關注政府如何跟進發表過鼓吹「港獨」言論候選人在立法會選舉當選情況。譚志源說，候選人言行會否影響其資格及出任公職問題，需要嚴格按照法律辦事，至於個別個案具體情況，選舉主任會按個別情況，在諮詢律政司意見後，考慮會否及以何種形式採取跟進工作，由於每個個案情況不同，不可一概而論，他不會評論假設問題。

民建聯副主席張國鈞則關注選出立法會主席之前由秘書監督，有關安排是否合適，以及世界各地有多少議員是由秘書監



▲譚志源表示政府未有此計劃再司法覆核其他議員
大公報記者林良堅攝

督。譚志源回應說，各處鄉村各處例，不同地方對監督人未必有一致做法，香港回歸初期立法會議員宣誓是由行政長官監督，其後修改法例，改由立法會秘書監督，選出立法會主席後就由主席監督。他又說，將來如社會對宣誓要求及監督人身份有不同看法，當局會再聽取意見。他強調，如果要改變現行法律對立法會宣誓的要求和安排，應先作通盤考慮，包括是否必須修改法例、修改法例會否令落實相關安排的工作更清晰、更妥當等。

邵家臻涉違選舉例 助選學生分數較高

【大公報訊】記者冼國強報道：團體正義之聲昨日示威，抗議立法會社會福利界議員邵家臻在競選立法會時涉嫌違反選舉條例。正義之聲發言人陳學幹表示，邵家臻就任浸大社會工作應用科學副學士課程主任時，以學生是否積極參與「社會運動」為評分準則，又吸納學生為自己競選、助選，牽涉利益衝突。

正義之聲昨天早上到立法會示威區請願，抗議邵家臻在其任教的副學士課程，以參與「社會運動」為評分準則，打壓不參與「社會運動」的學生，利用學生為邵競選議員的義工。陳學幹說，如果邵的學生有協助邵助選，該學生成績就會比沒有協助的學生獲得明顯較高分數，懷疑當中涉及利益輸送。陳指出，事件鐵證如山，由兩名邵家臻學生的家長提供，不排除之後搜集到更多證據，再向選舉管理委員會投訴。正義之聲成員手持「利用學生 謀取私利」、「政治誘導 帶壞學生」等標語，又帶同橫額示威。團體其後向立法會



▲正義之聲到立法會示威區請願，抗議邵家臻涉嫌違反選舉條例

秘書長陳維安交請願信，由立法會保安人員代為接收。

陳雲生函浸大校長跟進

另外，民建聯陳雲生亦收到一位家長就事件投訴，陳就此致函浸會大學校長錢大康。信中提到，有家長表示，邵家臻在教學過程中經常教唆、煽動學生參與衝擊社會秩序的活動，又親自帶領學生參與此

等活動，以學生臨場表現作為考核評估。陳雲生解釋，由於由副學士升格為學士本科生的NON-JUPAS（非聯招）名額相當有限，學生都無奈就範。

陳雲生指，邵家臻利用學生為其立場及利益所用的行為，低觸《社會工作者註冊條例》中《社工不得濫用與服務對象的關係，藉以謀取私人利益》的規定，要求校方跟進。